

杏苑生春

卷之八



婦女科醫家必究杏苑生春八卷下

○總說

夫女子十四歲。天真之氣降。壬癸之水合。衝任脉盛。月事以時。下是有形之後。猶有待於乳哺。水穀以養陰氣。必近二十。方可與陽氣爲配。可見陰氣之難於成也。調經之道。貴乎耗其氣。以行其血。血盛氣衰。是爲之從從。則百病不生。孕育無損矣。蓋衝任二脉。皆起於胞內。爲經絡之海。手太陽小腸。手少陰心之經也。此二經爲表裏。主上爲乳汁。下爲月水。經水者。陰血也。陽必從陽。故其色紅。稟火色也。血爲氣之配。氣熱則熱。氣寒則寒。氣升則升。氣降則降。氣凝則凝。氣滯則滯。氣清則清。氣濁則濁。氣行則行。氣亂則亂。往往見其成塊者。皆氣之凝也。將行而痛者。氣之滯也。來後作痛者。氣血俱虛。色淡者。亦虛也。錯經。妄行者。

氣亂也。紫者氣之熱也。黑者熱之甚也。或見以紫黑者作痛成塊者。率指爲風冷。殊不知經曰。亢則害。承乃制。熱盛者必兼水化。所以熱則紫盛則黑也。况婦人性執而見鄙嗜欲。加倍臟腑厥陽之火。無日不升。非熱而何。取之月經者。爲其一月一次而有常也。參前者血熱也。遲後者血虛也。且經行之際。與產後一般。將理失宜。爲病不淺。若被驚則血氣錯亂。經水斬然不行。逆於上。則從口鼻出。逆於身。則爲血分勞瘵之疾。若其時勞力太過。則生虛熱。變爲疼痛。悲怒則氣逆。氣逆則血逆。逆於腹腿心腹背脇之間。遇經行時。隨處而痛。過期又安。怒極傷肝。則有眩暈嘔吐之症。加之經脉滲漏於其間。遂成竅穴淋瀝不已。崩中帶下。赤白淋濁。形體瘦弱。自汗潮熱。月水絕閉。七癥八瘕。可立而待。其諸病候。悉與男子治法相同。惟調經胎產崩中帶下。爲

異是故另立女科然亦不能盡聖人之法者爲豪足之家居異
室之中處幃幔之內復以帛幪手臂既不能行望色聞問之術
又不能殫切脉之巧有是闕焉於能盡其術也黃帝有言凡治
病察其形色若色澤形氣相得謂之可治色大形氣相失謂之
難治又云觀人勇怯骨肉皮膚能知其情方爲診法既不得見
其形聲止據脉供藥其可得乎此醫之通患也世不能革醫者
不免盡理質問病家見所問繁反爲醫藥不精往往得藥亦不
肯服似此甚矣尚鵲見齊侯之色尚不肯信况其不得見者乎
且其嗜慾多於男子感病倍於大夫加之慈戀愛憎嫉妬憂羣
染着堅牢情不自抑所以爲病根深勢篤故難療治又有寡婦
獨陰無陽處閨門慾心萌而不遂致陰陽交爭乍寒乍熱有類
瘧疾或經閉白淫痰逆頭風膈氣否悶面黧瘦脊甚則爲勞其

脉獨部弦出寸口而上魚際究其脉原其疾皆血盛而然經云
男子精盛則思室女子血盛則懷胎失遂其意男則神色先奪
女則月水絕閉觀其精血思過半矣其問証候與男子治法稍
異者謹錄於後

治血氣攻疰心腹疼痛以玄胡索散治之

方玄胡索散

玄胡索

當歸

川芎

桂心

木香

赤芍藥

枳殼

桃仁

各一錢

熟地黃

三錢

右咬咀水二鍾薑三片煎一鍾不拘時服

治血風身體疼痛頭昏發熱煩渴自汗以人參荊芥散主之

方人參荊芥散

赤芍藥

柴胡

牡丹皮

鱉甲

荊芥

羚羊角

酸枣仁 枳殼

生地黄 人參

白朮

各七分

肉桂

三分 當歸 七分

防風

甘草

各五分

川芎

七分

生薑

三片

右咬咀。水煎八分。不拘時服。

〔合〕

一切血氣不足。虛損羸乏。或自汗腹疼。以當歸建中湯主之。

〔方〕

當歸建中湯

白芍藥

四錢

桂枝

二錢

甘草

炙七分

當歸

三錢

生薑

五片

大枣

三枚

饒糖

少許

右咬咀。水煎熟。食前熱服。

〔治〕

血氣虛冷。時發刺痛。寒熱往來。以異攻散主之。

〔方〕

異攻散

牡丹皮

芍藥

白芷

乾薑

當歸

玄胡索

陳皮

各七分

官桂

四分

烏藥

川芎

桔梗

各八分

生薑

三片

右咬咀酒一鍾水一鍾煎八分食前熱服。

〔治〕七情所感血與氣併心腹疼痛或健腰脇以玄胡索湯主之

〔方〕玄胡索湯

玄胡索

七分

當歸

一錢二分

蒲黃

八分

赤芍藥

一錢

薑黃

六分

官桂

木香

各五分

乳香

甘草

炙

沒藥

各四分

生薑

三片

如唾逆加半夏

八分

橘紅

一錢

右咬咀水煎八分食前熱服。

〔治〕血嘈痰嘈心下洋洋嘈雜腸鳴多睡口中清水脇肋脹痛以

旋覆花湯主之

〔方〕旋覆花湯

旋覆花 一錢 細辛 七分 橘紅 一分 官桂

甘草 名四分 赤茯苓 人參 半夏 各五分

桔梗 五分 白芍藥 六分

右咬咀用生薑七片水煎熟食前服。

〔治〕血氣疼痛或吐瀉腹痛以鹽煎散主之 方見四卷內。

〔治〕血海疼痛以烏藥湯。

〔方〕烏藥湯

當歸 二錢 甘草 炙 木香 各五分 烏藥

香附子 各一錢五分

右咬咀水煎熟食前溫服。

〔治〕血風走注疼痛不常以虎骨散主之。

〔方〕虎骨散



虎骨

酥炙

敗龜板

醋炙

肉桂

當歸

牛膝

玄胡索

熟地黃

威靈仙

獨活

自然銅

煨醋淬七
遍各等分

右件依法製度為細末每服二錢熟酒調下。

〔病〕四肢沉重自汗上至頭際頸而還惡風頭疼躁熱以黃芪白

朮湯主之。

〔方〕黃芪白朮湯

黃芪

一兩

吳茱萸

川芎

各五分

柴胡

升麻

黃蘗

酒洗

甘草

炙

羌活

各一錢

當歸

一錢五分

五味子

三錢

白朮

人參

各五分

細辛

三分

右咬咀用生薑二十片水煎食前服分作四服。

〔病〕十月霜後四肢無力沉重痠痛醋心合眼麻木惡風寒關



南京中醫藥大學圖書館版權所有

眼不麻木頭眩暈近火則有之以溫經除濕湯主之

七卷

〔病〕

勞熱羸瘦四肢煩疼心燥口乾不欲飲食以黃芪地骨皮散或犀角柴胡散

〔方〕

黃芪地骨皮散

黃芪一錢二分

地骨皮

柴胡

赤芍藥

生地黃

麥門冬

當歸

赤茯苓

黃芩各八分

人參一錢

甘草炙五分

右咬咀用生薑五片水煎食前服

〔方〕犀角柴胡散

犀角

赤芍藥

地骨皮

麥門冬各七分

紅花

甘草

赤茯苓

枳殼各五分

人參七分

柴胡

黃芪 各一錢

右咬咀。用生薑三片。水煎食前服。

〔病〕 邨氣感發。兩脚浮腫。小便赤澀。腹脇脹滿。氣急坐臥不得。

桑白皮散。

〔方〕 桑白皮散

桑白皮

郁李仁

赤茯苓 各一錢

木香

防已

大腹皮

紫蘇

木通

檳榔

青皮 各八分

右咬咀。用生薑三片。水煎食前服。

〔治〕 寒熱經水適斷。熱入血室。發狂不認人。以牛黃膏。或小柴胡

湯。方見三卷內。

〔方〕 牛黃膏

牛黃

五分

辰砂

鬱金

各六分

龍腦

甘草

生各

牡丹皮

六分

右件依法製度各另研為末和勻煉蜜為丸如皂角子大服一丸新汲水化開不拘時服。

治水氣乘肺作喘及支飲而喘以神秘湯主之

方見六卷內。

病經水弱少四肢懶倦自汗微熱以滋血補氣湯

方滋血補氣湯

丁香末

甘草稍

生

甘草

炙各三分

白芍藥

生地黃

金錫

各五分

熟地黃

六分

當歸身

人參

防風

羌活

黃蘗

知母

升麻

各七分

柴胡

一錢

黃芪

一錢五分

五味子

三十枚

右咬咀水煎熟空心溫服。

病月經衰少。或閉不行。面黃倦怠。腹脹喘逆。或膨或退。此血不

足。必日輕夜甚。以當歸散主之。方見六卷內。

病月水往來。及胎產瘀血不散。成脹腹中覺疼滿悶。以散血消

脹湯主之。方見六卷內。

治臟燥。悲傷欲哭。如喪神守。以麥冬湯主之。男子間有患此。

方來惠湯

甘草 一兩
大麥 三合去陳
膠冬 五枚

右件如常煎湯頓服。

治寡婦尼僧。惡風體倦。乍寒乍熱。面赤心煩。或時自汗。肝脉弦

長。當抑陰氣。以生地黃丸。

方生地黃丸

赤芍藥 一兩
生地黃 二兩
北柴胡
黃芩
秦艽 各五



錢

右件依法製為細末煉蜜為丸如梧桐子大每服三十丸

梅湯食前送下一日三服

病婦文與鬼交通者由臟腑虛弱神不守舍以風邪鬼魅乘虛而入故鬼氣得為病也其狀不欲見人如有對悟時獨言笑或時悲泣脉息遲伏或如鳥啄或來綿綿不知度數而顏色不變是也以茯神散主之方見六卷內

治心脾血氣痛以葱白散

方葱白散

川芎

當歸

枳殼

厚朴

桂心

乾薑

赤芍藥

小茴香

青皮

苦練子

熟地黃

木香

麥蘖

神麴

三稜

蓬朮

人參

各六分

鹽 五分 葱白 連鬚二根

右咬咀。水煎。若大便閉結。加大黃。去鹽。大便自利。加訶子五分。不拘時服。

病經水適斷。寒熱如瘧。頭疼咳嗽。惡心欲吐。穢逆不已。並以黃龍湯。

方黃龍湯

柴胡 一錢五分

黃芩

人參

川芎 各一錢

白朮 八分

甘草 一分

橘紅 一錢

竹茹 栗大一箇

右咬咀。用生薑五片。棗子一枚。水煎。食遠服。

如不嘔。去竹茹。

治月經斷後。身熱譫妄。口暈尤甚。以柴胡地黃湯主之。為愈。見方

病神思昏憤。每日上午不得清爽。怕見明處。惡聞人語。至午後方可。常常腹疼。頭亦昏重。睡臥驚惕。但加之勞動。或值月經來時。其症尤劇。此為不得遂意之所致也。主乎血虛。以清神養榮湯主之。

方清神養榮湯

川芎

當歸

各一錢五分

白芍藥

熟地黃

人參

茯神

各一錢

橘紅

柴胡

羌活

甘草

炙

香附子

各五分

如心下不寬。加縮砂仁

七枚

白芷冠

三分

如有痰。加南星半夏

俱薑製各五分

如氣升。加沉香磨濃汁加入。

右咬咀。水煎。熟食前溫服。

治血虛榮損以四物湯為婦人之要藥。當隨症加減。合宜而用之也。方見三卷內。

○月經不調

夫衝為血海。任主胞胎。腎氣全盛。二脉流通。經血漸盈。應時而下。所以謂之月水者。平和之氣。常以三旬一見。以像月盈則虧。不失常度。故謂之月經也。若遇經行。最宜謹於將理。將理失宜。似產後一般。受病輕為宿疾。重可死矣。若勞傷氣血。致體胃虛弱。外為四氣所干。內為七情所鬱。則或前或後。或色不正。或錯經妄行。蓋參前者。氣熱而速也。遲後者。氣滯而澁也。紫黑者。氣熱也。色淡者。氣虛也。將行而痛者。氣滯也。來後作痛者。氣血俱虛也。錯經妄行者。氣亂也。成塊而下者。氣凝也。治法。熱則清之。虛則補之。亂則調之。疑則散之。必少佐辛熱以舒其鬱。熱雖清。